

Na osnovu člana 8. Zakona o radu u institucijama BiH, člana 7. Pravilnika o radu i radnim odnosima Generalnog sekretarijata Nogometnog/Fudbalskog saveza Bosne i Hercegovine (u daljem tekstu NS/FS BiH) i Odluke Konkursne komisije za prijem kandidata u radni odnos NS/FS BiH od dana 07.07.2017. godine, a u vezi sa Odlukom Izvršnog odbora NS/FS BiH od dana 25.03.2017.godine, Nogometni /Fudbalski savez Bosne i Hercegovine raspisuje

KONKURS

za prijem u radni odnos

I

Raspisuje se konkurs za prijem zaposlenika u radni odnos na sljedeća radna mjesta:

1.Šef službe – koordinator za nogomet/fudbal – 1 (jedan) izvršilac

Opis poslova: Rukovodi radom Službe, usmjerava rad neposredno podređenih rukovodilaca unutrašnjih organizacionih jedinica, obezbjeđuje zakonitost, stručnost, pravilnost, blagovremenost i ekonomičnost u radu, vrši kontrolu izvršavanja zadataka, učestvuje u pripremanju i realizaciji složenijih aktivnosti iz djelokruga rada službe, a naročito kada je u pitanju izrada godišnjih i srednjoročnih programa rada i praćenja njihovog provođenja i kontrole napretka u realizaciji istih, organizacija kampova za sve državne reprezentacije, prikupljanje svih relevantnih informacija za razvoj nogometne/fudbalske igre, izučavanje masovnih, državnih, evropskih i svjetskih takmičenja, identificiranje i obučavanje o zaštiti mladih talenata u nogometu/fudbalu, praćenje i kontrola svih državnih reprezentacija. Glavni je inicijator i organizator stalnog stručnog usavršavanja, obezbjeđuje blagovremeno i potpuno informisanje Generalnog sekretara, vrši i druge poslove i zadatke koje odredi Generalni sekretar.

2.Šef Službe marketinga i komunikacija – 1 (jedan) izvršilac

Opis poslova: Organizuje marketinške aktivnosti, ostvaruje komunikaciju sa medijima (pisanim, elektronskim, radio i TV), učestvuje u organizaciji utakmica reprezentativnih selekcija, ugovara prodaju reklamnog prostora na stadionima, realizuje prava iz ugovora za pružanje marketinških usluga, predlaže i ugovara organizaciju marketinških aktivnosti, brine se o animiranju sponzora i partnera NS/FS BiH, uspostavlja kontakte sa zainteresovanim subjektima na planu marketinga, organizuje izradu suvenira i trofeja za potrebe NS/FS BiH, organizuje pripremu i štampanje biltena i drugih publikacija NS/FS BiH, priprema programe i izvještaje o marketinškim aktivnostima, obavlja aktivnosti prema namjenskim programima FIFA-e i UEFA-e, obavlja i druge poslove i zadatke koje odredi direktor sektora.

3.Stručni saradnik za PR – 1 (jedan) izvršilac

Opis poslova: Obavlja stručne poslove vezano za odnose s javnošću, saraduje sa sredstvima javnog informisanja, učestvuje u organizaciji javnih nastupa članova NS/FS BiH, vrši komunikaciju sa svim poslovnim i drugim zainteresovanim subjektima, asistira šefu Službe za marketing i komunikacije u obavljanju poslova i radnih zadataka, konferencije i druge javne nastupe za članove NS/FS BiH, priprema i vrši objavu publikacija na web stranicu NS/FS BiH i društvene mreže, vrši i poslove fotografisanja i video snimanja za potrebe NS/FS BiH, vodi evidenciju aktivnosti i foto evidenciju, te obavlja i druge poslove i zadatke koje odredi neposredni rukovodilac.

4.Spremačica – 1 (jedan) izvršilac

Opis poslova: Obavlja poslove čišćenje prostorija, učestvuje u nabavci sredstava potrebnih za održavanje higijene prostorija, vrši dostavu pošte, po potrebi mijenja kafe kuharicu, obavlja i druge poslove i zadatke koje odredi neposredni rukovodilac.

II

Za sve navedene pozicije, konkurs se raspisuje za prijem zaposlenika u radni odnos na neodređeno vrijeme, uz obavezan probni rad u trajanju do najviše 6 (šest) mjeseci.

III

Pored opštih uslova propisanih Zakonom o radu u Institucijama Bosne i Hercegovine, kandidati trebaju ispunjavati i sljedeće posebne uslove:

- **Za poziciju pod rednim brojem 1:**
 - VSS ili posjedovanje trenerske PRO diplome,

- najmanje 3 (tri) godine radnog iskustva na istim ili sličnim poslovima,
 - poznavanje jednog od službenih jezika UEFA, nivo znanja – B1,
 - osoba sa velikim ugledom u nogometnoj/fudbalskoj javnosti,
 - ostvarena izvanredna karijera nogometaša/fudbalera,
 - rad u strukturama nogometnih/fudbalskih asocijacija ili nogometnog/fudbalskog trenera/selektora.
- **Za poziciju pod rednim brojem 2:**
 - VSS (ekonomskog ili društvenog smjera),
 - najmanje 3 (tri) godine radnog iskustva na istim ili sličnim poslovima u odgovarajućoj profesionalnoj, upravnoj, organizacionoj službi u sportu,
 - dobro poznavanje rada na računaru,
 - poznavanje engleskog jezika, nivo znanja – B2.
- **Za poziciju pod rednim brojem 3:**
 - VSS (smjer žurnalistika),
 - najmanje 2 (dvije) godine radnog iskustva na istim ili sličnim poslovima u odgovarajućoj profesionalnoj, upravnoj, organizacionoj službi u sportu,
 - dobro poznavanje rada na računaru,
 - poznavanje engleskog jezika, nivo znanja – B1.
- **Za poziciju pod rednim brojem 4:**
 - NSS,
 - najmanje 1 (jedna) godina radnog iskustva na istim ili sličnim poslovima.

IV

U svojoj aplikaciji i prijavi za posao na gore navedene pozicije, kandidati su obavezni dostaviti sljedeće dokumente:

Za poziciju pod rednim brojem 1:

- Prijava na konkurs sa naznačenom pozicijom na koju se kandidat prijavljuje,
- Biografija,
- Dokaz o stručnoj spremi (za diplome izdate u inostranstvu prevod diplome ovjeren od strane ovlaštenog sudskog tumača),
- Dokaz o adekvatnom radnom iskustvu,
- Dokaz o poznavanju stranog jezika,
- Dokaz o državljanstvu BiH (ne starije od 6 - šest mjeseci) i dokaz o prebivalištu na području BiH (CIPS obavještenje),
- Uvjerenje nadležnog organa da se ne vodi krivični postupak (ne starije od 3 - tri mjeseca).

Za poziciju pod rednim brojem 2 i 3:

- Prijava na konkurs sa naznačenom pozicijom na koju se kandidat prijavljuje,
- Biografija,
- Dokaz o stručnoj spremi (za diplome izdate u inostranstvu prevod diplome ovjeren od strane ovlaštenog sudskog tumača),
- Dokaz o adekvatnom radnom iskustvu,
- Dokaz o potrebnom znanju rada na računaru,
- Dokaz o potrebnom poznavanju jezika,
- Dokaz o državljanstvu BiH (ne starije od 6 - šest mjeseci) i dokaz o prebivalištu na području BiH (CIPS obavještenje),

- Uvjerenje nadležnog organa da se ne vodi krivični postupak (ne starije od 3 - tri mjeseca).

Za poziciju pod rednim brojem 4:

- Prijava na konkurs sa naznačenom pozicijom na koju se kandidat prijavljuje,
- Biografija,
- Dokaz o stručnoj spremi (za diplome izdate u inostranstvu prevod diplome ovjeren od strane ovlaštenog sudskog tumača),
- Dokaz o adekvatnom radnom iskustvu,
- Dokaz o državljanstvu BiH (ne starije od 6 - šest mjeseci) i dokaz o prebivalištu na području BiH (CIPS obavještenje),
- Uvjerenje nadležnog organa da se ne vodi krivični postupak (ne starije od 3 - tri mjeseca).

Kandidati koji budu izabrani na ovom konkursu dužni su dostaviti uvjerenje nadležnog organa o nekažnjavanju, najkasnije u roku od 15 (petnaest) dana od dana dostave obavještenja o izboru kandidata za oglašene pozicije. Ukoliko kandidat ne dostavi traženo uvjerenje u gore navedenom roku, na njegovu poziciju će biti izabran prvi slijedeći kandidat koji ispunjava uslove iz konkursa.

Svi navedeni dokumenti moraju biti ovjerene kopije, s tim što se od kandidata može tražiti dostavljanje na uvid originalnih dokumenata.

Kandidat koji zadovolji kriterije će biti pozvan na razgovor uz komisijsku provjeru njegovih sposobnosti. Provjera radnih sposobnosti kandidata vrši se usmenim intervjuom, praktičnom provjerom znanja i putem testiranja.

Materijali za pripremu testa i provjere znanja iz djelokruga rada NS/FS BiH dostupni su na oficijelnoj web stranici saveza (www.nfsbih.ba).

Rezultati testiranja biti će bodovani u skladu sa utvrđenim kriterijima po pojedinim pozicijama, i to prema postignutim rezultatima na pismenoj i usmenoj provjeri znanja do 10 (deset) bodova.

Provjera znanja stranog jezika za sve pozvane kandidate će se izvršiti putem testiranja. Rezultati provjere znanja stranog jezika će se bodovati u skladu sa utvrđenim nivoom poznavanja stranog jezika do 5 (pet) bodova.

V

Prijave sa potrebnom dokumentacijom kandidati trebaju dostaviti u zatvorenoj koverti, na adresu NS/FS BiH (Ferhadija broj 30, 71 000 Sarajevo) ili lično na protokol NS/FS BiH, uz naznaku: „Prijava na Oglas za prijem u radni odnos“.

VI

Konkurs ostaje otvoren 15 (petnaest) dana od dana objavljivanja u sredstvima informisanja.

VII

Neblagovremene, neuredne ili nepotpune prijave, kao i one prijave koje kandidati pismeno povuku neće se uzeti u razmatranje.

NOGOMETNI/FUDBALSKI SAVEZ BIH